



ISTITUT CULTURAL LADIN
Majon di Fascegn

Sèn Jan, ai 3 de mé 2021

COMUNICAT STAMPA

Mia majon, mia storia, mia parlèda.

Chest an l'Istitut Cultural Ladîn "majon di fascegn" zelebrea i 40 egn de la biblioteca dedichèda a Pare Frumenzio Ghetta e i 20 egn del Museo ladîn.

La paroles cernudes fora per fèr da *leitmotif* a chest an de festejamenc l'é "**Mia majon, mia storia, mia parlèda**", paroles che vel esser na dichiarazion d'amor per noscia identità ladina e che ben ressuma i propojc de la neva direzion che per i egn che vegn la é te man de la diretora dotora Sabrina Rasom:

«Te chesta sentes istituzionèles, te chesta **MAJON**, luron per stravardèr n melaur prezious.

Noscia **STORIA** à reijes fones tel passà, ma la é averta al davegnir.

Sion stolc de noscia **PARLÈDA** amò viva e gaerta, compagna de la vita da duc i dis.

Volon che nosc esser ladins seghite a jerveèr. Per chest la cultura jirà fora per la strèdes. Ge sporjaron a duc l saer prezious de egn de lurier, per tor ite la jent e soscedèr la gaissa de esser ladins.

Volon endrezèr n zenter che l sie **APEDE la jent**, che l sie **DE la jent e** che l sie per duc pont de referiment.

Volon jir fora da la portes de chest tobià con n program dinamich adatà a duc: dai joegn a la jent de età.

Sarà n moviment culturèl che da n grop de lurier del Museo, de la Biblioteca e de l'Istitut l tolarà ite semper de più la popolazion per engaissèr ladins e ghesé a cognoscer, ma ence a fèr.»

Fora per chest an aon jà sport e sporjaron ativèdes desvalives che podarà aer bon éjit demò col contribut de duc.

Ve speton!»

Na dichiarazion de intendimenc donca rica ence de neves propojc e projec per chest 2021 che, enceben che sie n moment senester, l'é scomenzà col suzèss del contest Canori-Piccoliori e che se auguron l vae inant co la medema gaissa e la medema forta partezipazion!

AR/ar/mc